




Sce fosse n pitl ucel



Idiom: Gherdëina
Liber: Cianté cun plajëi

Sce foss' n pitl ucel,
julëssi sëura l tët
y sëura l mer,
y sëura dut l mond
julëssi dut ntëur
tl ciel bel tler.

Sce foss' mé n tel plumin
m'auzëssi ligherzin
suflà dal vënt.
Dal aut ulëssi gën
udëi l mond tan grant
y l firmamënt.

Ma ie ne poss' julé,
ie muesse a cësa sté,
bën dur ie chël.
Ma ncantëur uei jì,
cianté coch' i uciei
tl ciel bel tler.